

برنامج عملي في رجب وشعبان .. #القرآن_حياتي .. د . حازم

شومان

حازم شومان

سعدي وهنائي القرآن حيا. السلام عليكم ورحمة الله وبركاته. الحمد لله وكفى وصلى صلاة وسلاما على عباده الذين اصطفى اللهم لك

الحمد كله ولك الملك كله وبيدك الخير كله واليك يرجع الامر كله واليك - 00:00:00

توجه الامر كله واليك يرجع الامر كله. اللهم ربنا لك الحمد اللهم اطعمت وسقيت واغنيت واغنيت وهديت واجتبيت فلك الحمد على

ما اعطيت. اللهم لك الحمد حمدا كثيرا طيبا مباركا فيه غير مكفي ولا مكفول - 00:00:20

ولا مودع ولا مستغنى عنه ربنا. اللهم لك الحمد حمدا ملىء السماوات وملك الارض وملك ما بينهما وملك ما شئت فيا ربنا من شيء بعد.

الحمد لله عدد ما خلق. الحمد لله ملىء ما خلق. الحمد لله عدد ما في السماوات وما في الارض. الحمد - 00:00:40

لله عدد ما احصى كتابه والحمد لله على ما احصى كتابه والحمد لله عدد كل شيء والحمد لله ملىء كل شيء. اللهم صل على حبيب

قلوبنا وعلى طيب قلوبنا وعلى شفيعنا يوم العرض عليك. اللهم صل على النبي محمد وعلى ازواجه امهات المؤمنين وعلى ذريته

وال - 00:01:00

اللهم صل على حبيبك محمد عدد قطر الامطار وعدد ورق الاشجار وعدد ما اظلم عليه الليل واضاء عليه النهار وعدد مكاييل البحار

اللهم صل وزد وبارك عليه عدد خلقك ورضا نفسك وزنة عرشك ومداد كلماتك. اللهم صل على محمد وعلى آل محمد كما صليت -

00:01:20

قال ابراهيم وعلى آل ابراهيم انك حميد مجيد وبارك اللهم على محمد وعلى آل محمد كما باركت على ابراهيم وعلى آل ابراهيم انك

حميد مجيد اما بعد اخواني في الله يعني تخيل لو انت واقف في ميدان من الميادين الكبيرة وجه واحد بعربية من العربيات الفارهة

جدا ونزل ولايس لبس فخم - 00:01:44

مهم جدا وطلع ورقة بميتين جنيه. توقعت والناس اللي بصت على المنزر توقعت ان هو يطلعها صدقة. انه هيشترى بها حاجة فاذا به

بيطلع ولاعة. ويقوم مولع في متين جنيه مولعة ويضحك ويبتسم والابتسامة هادية جدا على وشه. كلكم بصيتوا مفزوعين قام مطلع

بها رزمة فلوس بمية جنيه وبميتين جنيه - 00:02:04

وبدا يولع فيها بنفس الولاة وبدأ وهو بيضحك ومبسوط جدا. تخيل هتبقى انت مفزوع قد ايه؟ هل تتخيلوا يا اخواني ان احنا

بنعمل ما هو شد من اللي الراجل ده بيعمله ان احنا بنعمل ما هو اخطر من اللي الراجل ده بيعمله. الراجل ده بيضيع فلوسه. احنا

بنضيع عمرنا يا جماعة. الراجل ده يعني لو واحد مننا ضاع منه ورقة بخمسين - 00:02:24

جنيه هيفضل اسبوع زعلان وهيفضل اسبوع يفتكر فيها. ويقول دي يعني لو كنت لقيتها كنت عملت بها كذا او كذا. في حين انه ممكن

يكون ضاع منه ليالي وايام وفرص - 00:02:44

عظيمة جدا للوصول الى الله سبحانه وتعالى واسترضاء ربنا سبحانه وتعالى. ولكن للاسف الشديد ما بيندمش عليها وما بيغكرش

فيها. اخواني في الله يعني قضية العمر اللي بينسحب مننا للاسف الشديد هناك مفاجأة. تخيلوا المفاجأة دي ايه؟ المفاجأة دي ان يوم

الثلاث اللي جاي اه ده هيبقى اليوم اللي قبل الانتخابات الرئاسية طب - 00:02:54

ده في مفاجأة تانية بقى ان يوم الثلاث اللي جاي واحد رجب عارفين يعني ايه واحد رجب؟ يعني هنلاقي بقى الورق على الجوامع

تاني زي كل سنة الله بارك لنا في رجب وشعبان وبلغنا رمضان يا نهار ابيض! هو رمضان اللي فات لحق يعدي؟ ولا لحقنا ان احنا ده
كان رمضان لسه رمضان ماسك في - [00:03:14](#)

رمضان. يعني سبحان الله كأن ما فيش فترة بينهم. يا اخواني في الله العمر بيعدي ولكن للاسف الشديد مين فينا فعلا مؤمن بخطورة
العمر؟ مين فينا اذكر قول الله سبحانه وتعالى الذي خلق الموت والحياة. يا رب الموت قبل الحياة. الموت يا رب قبل الحياة. طب ليه؟
مع ان الموت بعد الحياة يعني - [00:03:34](#)

لا لان كل حاجة في الحياة ممكن تحصل وممكن ما تحصلش انما الموت ما فيش حاجة اسمها ممكن تحصل وممكن ما تحصلش. انت
ممكن تتجوز وممكن ما تتجوزش وممكن تخلف وممكن ما - [00:03:54](#)

ما تخلفش. انما ما فيش حاجة اسمها انت ممكن تموت وممكن ما تموتش. قضية كبيرة جدا يا اخواني. قضية من اخطر ما تكون.
قضية ذوى وزن يومئذ الحق يعني ايه الوزن يومئذ للحق؟ هو فيه وزن باطل؟ هو الوزن النهاردة باطل؟ ايوه الموازين النهاردة باطلة.
النهاردة اللي معه فلوس بيبقى عند الناس فوق واللي معه مركز بيبقى عند الناس فوق - [00:04:04](#)

ولكن اللي عنده دين وما عندوش دنيا ممكن الناس ما يتصلوش. الناس بتبص دلوقتي وبتقيم بناء على الدنيا. الدنيا هي الرافعة
الخافضة في قلوب الناس والعياذ بالله انما موازين يوم القيامة ما لهاش دعوة بالموازين اللي احنا حطيناها. تخيلوا يا اخواني لو كان
كده جواز البنات مش على حسب الاجمل - [00:04:24](#)

يعني آآ والنسب شهادات والمعايير لو كان جواز البنات على قد الاكثر ايماننا. كانت البنات سابت قيام الليل مش ممكن طب لو كان
يعني مسلا المراكز العليا في البلد مش على حسب بقى ده ابن مين وده ده لو كان كمان بقى على حسب الاطوع لله والادين لله. كان
في واحد سب - [00:04:44](#)

تكبيرة الاحرام في صلاة الجماعة. اهو ده الفرق بين الدنيا والاخرة. الدنيا ماشية بموازين وبمقاييس والاخرة موازين تانية خالص.
فربنا سبحانه وتعالى بيقول لك ازنه بازن الحق مش الموازين بتاعتكم دي ده موازين تانية. بناء على العمل الصالح والايمان. فربنا
سبحانه وتعالى بيقول ذلك اليوم الحق. الشاهد بقى اللي احنا عايزين - [00:05:04](#)

اتكلم عنه. ذلك اليوم الحق. طب وهي الايام دي باطل؟ ممكن يكونوا مرشحين الرئاسة النهاردة مستنيين يا ترى يوم اعلان النتيجة؟
يا ترى يوم اعلان نتيجة المصريين في الخارج بقى كلها ولا المصريين في الداخل يا ترى في واحد مستني يوم يتجوز واحدة
مستنية يوم الولادة واحد مستني انما اليوم اللي - [00:05:24](#)

المفروض كلنا نستنى ونعمل ليه؟ ونخاف منه ونعمل حسابه. ذلك اليوم الحق اللي هو يوم القيامة اللي بيتحدد عليه. بناء عليه مصير
كل واحد مننا. القضية تحية كبيرة يا اخوانا والمفاجأة برضو مفاجأة يعني يعني مش عارف احنا بنفرح برمضان جدا ولكن بنحزن
على اعمارنا وبنحزن على عدم استعدادنا - [00:05:44](#)

وبنحزن يعني زي الطالب اللي فوجئ ان الامتحان بعد اسبوع وهو مش جاهز ليه؟ وهو ده موضوع درس الليلة يا اخوانا اهم سبب
لضياع رمضان. اهم سبب لضياع اه رمضان. اهم سبب لضياع رمضان. كل سنة هو عدم الاستعداد لرمضان. انا عايز ننسى الوقت
رمضان ورجب وشعبان. والقنوات الاسلامية - [00:06:04](#)

كل ده ويعني تتخيلوا ان انا مش انا. ده انا واحد الوقتي مدرب المنتخب القومي. ايا ما كان. انا ما عرفش هو مين بس تخيلوا مدرب
المنتخب القومي. والفريق قدامه الوقتي قاعد وقاعد يقنع الفريق ان كاس العالم اللي بعد اللي بعد شهرين لازم نعمل معسكر استعداد
له. وللازم نيجي - [00:06:24](#)

والفريق قعد يبص كده ويبقول كلام فعلا يتعقل ولا ما يتعقلش. يا اخوانا الناس سبقتنا في زمان. الناس اهل الدنيا سبقوا اهل الدين
في التفكير الواقعي العملي للاسف الشديد الناس عارفة تجيب الدنيا ازاى. او يعني عارفة الاسباب الدنيوية للمجيء بالدنيا وبعد
كده هي ارزاق. ولكن احنا - [00:06:44](#)

للاسف مش قادرين نبقي عمليين في التعامل مع الدين عايزين نتكلم النهاردة عن اه خسائر عدم الاستعداد. خسائر عدم الاستعداد

لرمضان. كل سنة ندخل رمضان يا سلام فرحانين ان رمضان قرب بالزبط زي فرحة التاجر ان فيه معرض دولي كبير وكل التجار

هيبيعوا وفرحان والتجار قاعدين يجيبوا عربيات بقى شحن - 00:07:04

عربيات وبفرشوا الحاجات بتاعة المعرض وهو فرحان رغم انه ما استعدهش ولا عمل حاجة. هيفاجأ هيفاجأ زي بالزبط كده اللي عنده حنة ارض فلقى الناس يوم الحصاد فرحانين وبيجنم فقال ايه ده انا الفرصة راحت علي اما الحق بقى احصد وابذر واحرث واروي يا عم انت جاي ايه ندمت - 00:07:28

على التفريط في زمن البذر. يا اخواني في الله يا اخواني في الله احد السلف قال كلمة خلاصة جايبة القصة من الاخر. قال رجب رجب اللي هيبداً يوم سد اهو يا امة محمد. رجب اللي هيبداً يوم التلات دهو يا شباب ويا بنات ويا اخواني واخواتي في الله رجب اللي هيبداً يوم التلات دهو رجب شهر - 00:07:48

رجب شهر الباذر مش القصة ما بتبدأش في رمضان. البداية في رمضان بداية متأخرة جدا. البداية في رمضان بتسبب ضياع كل سنة. اكبر سبب لضياع رمضان هو عدم الاستعداد له. اكبر سبب لضياع رمضان هو الظن ان البداية بتبدأ مع رمضان. امال ايه؟ رجب شهر الباذ - 00:08:08

افرض البداية بنبدأ بنذر وشعبان شهر السقيا نبدأ نروي ورمضان شهر الحصاد الحصاد يا اخوانا انما تيجي كل سنة للاسف الشديد ييجي اول رمضان تبدأ الصدمات تلاقي نفسك قاعد تاكل في الفطار انت مش عارف انت بتاكل كانك عمرك ما كلت قبل كده وتتنقل وتروح التراويح كانما يسقون ايه - 00:08:28

الى الموت وهم ينظرون. انت ما كنتش مستعد خالص لي انت فيه ده. تيجي تقف في التراويح تلاقي اللي على ايمانك بيعيط واللي على شفالك بيعيط. والناس صوتها قدامها بيعيط. والشاب اللي لسه اول مرة - 00:08:53

الجامع بيبكي وانت ما فيش خالص تبدأ تحس انك مقهور. تبدأ تيجي تمسح المصحف عشان تقرأ تلاقي نفسك عشر دقائق. وخلاص مش قادر عندك فتور شديد جدا في القراءة صدمات اول رمضان بتاعة كل سنة اللي بتحصل زي صدمة بالزبط اللعيب اللي بيعدي المانش بتسبح لي بيعدي المنش - 00:09:03

لو جا له شد عضلي في وسط العبور في وسط البحر هيموت. هيموت مش اللي هيقدر يطلع ولا هيقدر يرجع. هيموت. يبقى في اوقات لا تحتمل الشد فيها. في اوقات لا تحتمل انك تفصل شحن فيها. واحد على الطريق السريع والعربية عطلت دي في طريق صحراوي ما فيش فيه اي امدادات. وبيتصل بالمحمول اغيثوني - 00:09:23

انت فين انا وانفصل شحن. تخيلوا صدمته في اللحظة ديت. في اوقات لا تحتمل انك انت ينفع تفصل شحن فيها. اهو ده زي رمضان الفصل في الشحن اللي بيحصل كل سنة الواحد يدخل له يومين تلاتة سخن وبعد كده يفصل شحن عشرين يوم ولا حاجة يفوق على الليالي الوترية بعد ما يكون قلب رمضان - 00:09:43

بعد ما يكون الاساس خير رمضان عدي. قضية خطيرة جدا الطالب في السانوية العامة يا اخواني في الله. بيزاكر وهو عارف ان نص درجة ممكن تجيبه من القاهرة لاسوان. ان نص درجة ممكن تخليه يسيب الكلية اللي هو عايز يدخلها خالص. ان كل نص درجة ممكن تجيبه ابعد مما كان يتخيل تماما - 00:10:03

نص درجة فيبزاكر وعارف يعني ايه نص درجة. احنا ليه مش مقدرين خطورة الدين؟ زي ما اللي بيحصل اي حاجة في الدنيا مقدر قدرتها. رغم ان رمضان اخطر من السانوية العامة. ورمضان اخطر من معسكر الكورة. يا اخوانا سبب صدمات رمضان دي ان احنا ما تعاملناش مع بعض - 00:10:23

رمضان حتى زي ما الفريق القومي تعامل مع البطولة اللي هو داخلها. شوفوا دول اول حاجة تلات اسئلة بيستعدوا للمباراة او البطولة قبل دهب قد ايه؟ اتنين بيسموا الاستعداد ده ايه؟ تلاتة لما بيستعدوا بيستعدوا قد ايه بقى؟ يعني اللعيب بيروح - 00:10:43 حاجتين كده ويروح بيته يكمل حياته عادي. بيستعدوا من قبلها بشهور يا اخوانا. بشهور الكلام ده يعني كلام يعني احنا غريبة جدا. احنا لسه عايزين نقنع مع بعض ان الاستعداد ده حاجة مهمة. هندخل رمضان ازاى بقلوبنا دي! اللي السنة اللي فاتت لففتنا حوالين

نفسنا فيها دي - 00:11:03

عليه نكت سوداء حداثر شهر زنوب ومعاصي. هندخل رمضان ازاى بالصحيفة اللي كلها زنوب دي؟ هندخل رمضان ازاى بكل الفتور اللي عندنا ده؟ هندخل رمضان ازاى يا اخوانا كده مش هينفع يا جماعة يا اخوانا احنا بنقول دلوقتي استيقظوا استيقظوا افيقوا افيقوا رمضان اخطر مواسم عمر كلها هي ايه - 00:11:23

القلب بتاع السنة رمضان عشر ذي الحجة ليلة النصف من شعبان العشر الاواخر من المحرم اللي فيهم عاشوراء هي ديت اخطر مواسم في السنة كلها. فتخلوا بقى ان اخطر مواسم في السنة كلها بتضيع علينا بسبب الفتور وبسبب فصل الشحن. وبسبب ان احنا ما بنستعدش لده وما نتجاهلش لها - 00:11:43

يبقى ازاى؟ هل ده تفكير عملي وتفكير آآ واقعي خسائر عدم الاستعداد لرمضان خسائر شديدة جدا. رجب شهر البذر شعبان شهر السقيا. رمضان شهر الحصاد. يعني رمضان من شهر المجاهدة. رمضان كل سنة بيضيع في المجاهدة. رمضان كل سنة بيضيع. والآخر يضيع منه اسبوع في معصية سر وقع فيها - 00:12:03

الاحباط اسبوع في فطور رمضان مش شهر انك تجاهد في تلاوة القرآن. ده من الوقت يا اخي. من الوقت تبدأ تيجي تصوم تلاقي نفسك فطوره في نص يوم لانك مش قادر - 00:12:28

جميل جدا احنا عايزين الكلام ده دلوقتي بقى. انك انت تيجي تقوم ليل تلاقي نفسك بعد ربع ساعة مش قادر. حلو جدا. احنا عايزين ده من دلوقتي نواجه نفسنا به انك تيجي تقرا قرآن تلاقي نفسك - 00:12:38

مش عارف تكمل قراية قرآن. احنا عايزين ده يحصل الوقتي. عايزين الاعراض دي تطلع دلوقتي. عشان نبدأ نجاهد ونعالج الوقتي وروشته بسيطة جدا. يعني احنا مش جايين نقول ان في روشته كبيرة بقى وهنعمل وهنسوي يا اخوانا ده هي اسبرين يا اخوانا عارفين المريض اللي بيروح للدكتور يقوم يكتب له اسبرين المريض يبص يقول له ايه ده يا دكتور - 00:12:48

ايه انا يقول له يا ابني علاجك. يا اخوانا الروشته صيام وقيام. هي الروشته ايه يعني الروشته تفتح المصحف؟ الروشته المجاهدة في العبادة بس احنا الوقتي مش بنتكلم عن ازمة الواقع الاسلامي وازمة مصر ونحلها ازاى وقاعدين نتكلم في لغوريتمات. احنا بنتكلم الوقتي فينتا نجاهة - 00:13:08

واستسمارك لخطر موسم اعمالها في حياتك هو رمضان. ازاى ازاى؟ بل قبله كمان شعبان رفع الاعمال السنوية كلام عايز يقظة يا جماعة. كلام عايز يقظة شوفوا الغيبة اللي تمت في جمهورية مصر العربية. السنة اللي فاتت الناس قاعدة تغتاب بعضها ويعني يعني الاخوة للاسف الشديد بتسلب من بين ايدينا. طب - 00:13:28

تخلوا بقى كل ده بيحصل. ورفع الاعمال هيجي في شعبان. طب احنا الوقتي يعني يعني مازا تجهزنا؟ البداية في رمضان بداية متأخرة جدا الشهر المجاهدة واغلى من انه يضيع في المجاهدة. رمضان شهر حصاد. البداية في رجب. من اول واحد رجب. يبقى رجب وشعبان دي معسكرات. رجب بنذر فيه - 00:13:48

بنبدأ بقى العبادات ونبدأ شعبان نروي بقى تبدأ تزقزق بقى وتنطلق في العبادة والايمانيات. رمضان تحصد بقى ما فيش الفطور بقى ولا ولا الحاجات دي الا بقى يعني بالنسبة العادية بقى خالص. رمضان يبقى شهر حصاد للحسنات كمياتها هنا من الحسنات. يا اخواني - 00:14:08

في الله رمضان ليس عصا سحرية. رمضان مش عصاية سحرية اول ما هندخل الدموع اللي ما نزلتش طول السنة هتفيض والقلب اللي ما اتحركش طول السنة هيمتلئ بالايمان ويتفجر بالمعاني الايمانية والجوارح اللي كسلانة في السنة هتنطلق في العبادة رمضان - 00:14:28

يا اخوانا مش عصاية سحرية. اللي انت زرعته قبل رمضان هو اللي انت هتحصده في رمضان. كل ما تريد ان تحصده في رمضان يجب ان تزرعه في رجب وشعبان. يا اخوانا القضايا دي يجب ان تكون واضحة عندنا لما - 00:14:48

انا كنت يعني دايم الدرس اللي بيعطى اخر يومين في رمضان اللي هو مازا بعد رمضان؟ فبطلع كده يعني ايه؟ اصدم نفسي كده

واقول يعني يعني ماذا بعد رمضان فالناس يقولوا بقى بعد رمضان هنعمل وفيه ناس تقول لك والله اللي انت عملته في رمضان هتكمل عليه بعد رمضان. ولكن الحقيقة ان الناس بتخرج بعد رمضان يوم واحد شوال - [00:15:01](#) ما بيوترش اصلا. يوم اتنين شوال ممكن صلوات بتروح منه. في في الجمعة. يوم ثلاثة شوال خلاص ما تقوليش بقى بالعافية ممكن يصوموا الستة من شوال. ليه؟ لان الذي بعد رمضان هو الذي كان قبل رمضان لازم نفهم هذه القاعدة الخطيرة. ماذا - [00:15:21](#) بعد رمضان الذي بعد رمضان ليس الذي فعلته في رمضان. ولكن الذي بعد رمضان هو ما كان قبل رمضان. يعني ايه؟ يعني انا دخلت رمضان بدأت اعبد وما فيش اي اساس في العبادة من قبل هذا. بدأت اعبد كأني بعلي عمارة من غير اساس. اي رياح تيجي في شوال هتقوم موقعها. انما انا لما - [00:15:41](#)

ارمي اساس في رجب وشعبان لما ابدأ في رجب وشعبان اجاهد وافتح المصحف واقرا واحافظ على اوراقى وحول اقوم ليل واحاول اصوم حتى اتنين وخميس واحاول اجتهد واحاول اعبد ربنا قدر ما استطيع كل واحد وزروفه بقى. يعني كل واحد على قدره. ربنا سبحانه وتعالى اللي مشغول وعنده ساعة في اليوم يعبد ربنا فيها - [00:16:01](#) ربنا هيبارك له كأنه قعد الاربعة وعشرين ساعة. انما احنا بنتكلم ان كل واحد على قد وسعه. لما برمي الاساس في رجب وشعبان باجي في رمضان اعلي بقى لان رمضان عبادات جماعية والناس كلها متشجعة. باجي بعد رمضان ابقى عليت عبادة في حياتي على اساس. ييجي شوال ما تضيعش مني العبادات دي. انما الصدمة - [00:16:21](#) الخطوة الاولى اللي بتحصل في رمضان صدمة البدء بقى ان ما انتاش عارف تبكي في التراويح ولا عارف تفتح المصحف ولا عارف وبتقرا القرآن كأنك انت بتقرا مش حاسس كلام رغم انه كلام يفجر الايمان في القلب. واحد يفتح القرآن كده يا نهار ابيض! وربنا بيتحدث عن نفسه سبحانه وتعالى. عن انه ربنا - [00:16:41](#)

بيملك كل شيء في حياة كل شيء وان من سوى الله لا يملك اي شيء في اي شيء لاي شيء. وان ربنا هو اللي ملينا كل شيء القرآن بيعيشك مع جلال ربنا وعظمة بيخلي قلبك في السما وانت قاعد تقرأ عن مولاك وصفات مولاك وجمال مولاك - [00:17:01](#) سبحانه وتعالى وكمال مولاك واحد يفتح المصحف تحس ان انت قلبك داب. داب من الانبهار بصفات الله وعظمة الله والاء الله ربنا يقرر يعمل لك يعني حاجة عظيمة تيجي تفتح المصحف مش حاسس. غير صدمات اخر رمضان بقى ايه صدمات اخر رمضان؟ على ما تبدأ بقى - [00:17:21](#)

آآ القلب يحس وعلى ما يبدأ بقى القلب يلين. وعلى ما يبدأ بقى الايمان يتفجر. وعلى ما يبدأ بقى تفتح المصحف وقاعد يا سيدي تقرا ثلاث اربع ساعات ولا تعب. وعلى ما تبدأ بقى تنطلق اهو. المفتي يعلن استطلاع هلال شوال. انا لله وانا اليه راجعون - [00:17:41](#) يعني انا لسة جاي اقوم. رمضان خلص. ما هو انت للأسف الشديد ما هو النبي عليه الصلاة والسلام قال يا اخواني. اذا آآ جاء رمضان فتحت ابواب الجنة فلا يغلق منها باب. الناس بتسمع الحديس زي ما واحد رمضان الله الله. اذا جاء رمضان فتحت ابواب الجنة فلم يغلق منها باب الله. الله - [00:18:01](#)

يا ابني هو انا لو جيت لك الساعة عشرة الصبح اه الساعة عشرة الصبح بكرة وقلت لك تخيل ان ابواب البنوك كلها من الفجر مفتوحة فلم يغلق منها باب اللي عايز يدخل ياخذ في اي فلوس ياخذها. بنوك الصعيد مسلا واحنا هنا في القاهرة هتقول لي ازايا! ده انت كنت تقول لي الكلام ده من امبارح بالليل عشان ابقى على الباب - [00:18:21](#)

قبل ما يفتح انما زمان الناس دخلت وياه انما عمال الحق يكونون لابواب اتقفلت. اهو ده اللي بيحصل في رمضان. اذا جاء رمضان فتحت ابواب الجنة الحنيذة يا اخوانا للاستعداد الرهيب لرمضان. ليه بيدعو الاستعداد لرمضان؟ لان الوقتي انت بينك وبين رمضان كثير وحواجز وعوائق وشهوات ومعاصي سر وغفلة - [00:18:41](#)

ونكت سوداء من الذنوب على القلب. فانت لما بيفتح الباب يوم واحد رمضان اما بتيجي تجري وتتعطل وتتعثر في المجاهدة. على ما توصل للباب بتاع الجنة يكون رمضان خلص. انما ده انت تجري من دلوقتي من رجب وشعبان على ما ييجي رمضان بيكون خلاص فليفتق الايمانية المرتفعة - [00:19:01](#)

واقف جاهز على الباب اول ما يتفتح ابواب الجنة او رمضان تدخل على طول تعيش رمضان في الجنة. يبقى اول رمضان نعيشه في حياتنا في الجنة بحق وحقيقي. يبقى فهو ده يا اخوانا الفكر. يا اخوانا يعني الواحد بي فكر الجعزة بتاعة اول رمضان. الفزعة بتاعة اول رمضان. كان زمان الواحد يدخل رمضان - [00:19:21](#)

سبحان الله! يعني اول السنين في اول سنين التزام الواحد ما كانش يعني يعني ما كانش الواحد بي فكر خالص ان فيه حاجة اسمها استعداد لرمضان. رمضان ده ايه الواحد من قبلها - [00:19:40](#)

ان شاء الله هنكسر الدنيا في رمضان. وبازن الله. ولكن رمضان داخل وانت قلبك هيقف هيقف ليه؟ انت عارف ان انت ممكن يوم او يومين وتقوم فاصل يعني فاصل شحن زي محمول فاصل شحن الله! مش لازم اشحنه قبل ما اسافر. عشان ما يفصلش مني. انت بقى داخل ومش واخذ بالك من القضية دي. فتيجي تدخل يوم - [00:19:50](#)

يومين تلاقي نفسك فصلت. جالك فتور ما عدتش قادر تحس بالتراويج. تبقى قاعد حاسس ان انت قلبك هيتشق من كتر الالم. قلبك هيتشق من كتر الم على كل لحظة بتعدي في رمضان. ده رمضان. ده رمضان يا اخوانا هو فيه حاجة يعني تبين ايه هو رمضان اكثر من ده رمضان - [00:20:10](#)

يا جماعة. قاعد حزين. طب يا ابني ما كنت تستعد من قبلها. الواحد ما كانش عنده فكر خالص. يعني ايه استعداد لرمضان؟ انما لما انت تاخذ فكر الاستعداد من رجب وشعبان قبل - [00:20:30](#)

بخير رمضان مر عليك منذ ولدتك امك. واهل لريح آآ رمضان اني لاجد ريح رمضان دون رجب وشعبان. واهل لريح الجنة اني لا اجد ريح الجنة. في رمضان دون رجب وشعبان لازم ان احنا نفهم هذه القضية. تيجي بعد كده الصدمة الثالثة بقى - [00:20:40](#)
فرمضان يخلص وانت فاكر بقى ان ايه اللي انت عملته في العشرة الاواخر بقى تسبت عليه تلاقي نفسك بعد رمضان لا قادر تقوم ولا قادر تصوم ليه؟ ما هو انت عليت على غير اساس - [00:21:00](#)

انت عليت ما انتاش رامي اساس من قبل رمضان الصدمات دي حلها ايه؟ حلها انك تفهم ان رمضان ما هواش عصاية سحرية. انك مش هتدخل رمضان هتلاقي كل حاجة اتغيرت في حياتك والدموع نزلت والالبق - [00:21:10](#)
والمصحف اتفتح والجوارح اشتغلت لأ يا اخواني رمضان ليس عصا سحرية ولكن يجب انك انت تستعد من قبلها اذا جاء رمضان فتحت ابواب الجنة من قبل رمضان انطلق لحد بقى واقف على الباب ساعة ما يتفتح باب الجنة انا جاهز اول واحد ان انا انا ادخل جاهز اول واحد ان انا انطلق خسائر عدم الاستعداد لرمضان بكل - [00:21:23](#)

ببساطة ضياع رمضان. بكل بساطة ضياع رمضان. ان رمضان بيضيع. يا اخواني الغريق لما بيحي يغرق بيقول لك ان الغريق لما ييجي يغرق الضربة اللي بيضربها في الماية دي عشان يحاول يطلع على وش الماية. الضربة اقوى من اقوى ضربة يقدر يضر بها في - [00:21:47](#)

هاتوا ستة وثلاثين ضعف. واللي ييموت الغريق. اهو الشيطان الوقتي بقى بيحس انه هيفرق في رمضان. طب يعمل ايه؟ فييضرب بقى بيحاول يضرب بيحاول يوقعنا في حاجة يا اخي مرة قبل ما ابليس يستعد لنا نستعد له. مرة قبل ما ابليس يستعد انه يضيعنا نستعد ان احنا نتحصن ضده. انت لو - [00:22:07](#)

ولا في بيت كبير وله شبابيك كتير وعارف ان في حرامي برة وعازي يدخل يقتلك ولا يسرقك. هتعمل ايه هتقفل الابواب والشبابيك جميع الشبابيك قد ايه؟ اهو بالزبط كده قفل يا ابني من دلوقتي. حصن نفسك بازن الله سبحانه وتعالى من الان. ازاي يا جماعة - [00:22:27](#)

هندخل رمضان بالقلب ده. ازاي هندخل رمضان بالغفلة دي؟ ازاي هندخل رمضان بالمنزر اللي احنا فيه ده؟ يعني الاستعداد لرمضان سماره كتير قوي. من اعظم ثمار الاستعداد لرمضان التخلص من معاصي السر. اللي مالية حياة الشباب او مالية حياة الناس دلوقتي. التخلص من - [00:22:47](#)

مقص السر. معاصي السر ديت حلها يعني كما يعني شاف الواحد من تجارب معاصي السر دي حلها ضربة اضية. يعني معاصي السر ما

بتتسأبش بالتدريج. حلها عزمة من العزمات لوجه الله سبحانه وتعالى تنساها. دلوقتي انت عندك دافع رهيب. انك تتغير. رمضان مش هيتغير غير لما انت تتغير. كان في زمان مدرسة في - [00:23:07](#)

نفسى كانت مشهورة زمان اسمها لوجو ثيرابي. العلاج باحياء المعنى. يعني كان يدخل العيان كده عند الدكتور محبط ويأس فيقول له انت محبط ويأس فيبدأ يتكلم معه. فيبدأ الطبيب يحاول انه يسير جوة العيان دافع انه يقوم. يعني مسلا اولادك مراتك اه اه حد - [00:23:27](#)

بيحبه يحاول يثير قدامه دافع انه يقوم تاني وينزل في الحياة مرة ثانية. اهو رمضان بالنسبة لنا لوجو ثيرابي. رمضان بالنسبة لنا علاج باحياء المعنى. احنا عندنا معنى دلوقتي. معنى كبير اوي اوي. كلنا نفسنا نفوز في رمضان وكلنا نفسنا نفوز بليلة القدر. وكلنا نفسنا - [00:23:47](#)

لا تعتق رقابنا من النار في رمضان. طب انت عايز ده لازم تستعد من قبل رمضان. يعني ثلاث شهور رجب وشعبان ورمضان هيقوا مجاهدة في العبادة هتخرج يا ابني مغسول هتخرج بني ادم تاني. كلية الشرطة - [00:24:07](#)

يعني يقول لك ان بتوع الشرطة الطلبة بيدخلوا في سنة اولى فهو عايز الطالب ده يتغير عشان يدي له المناهج بتاعته بقى ويأهله لازم الطالب ده يتغير ما ينفعش يعيش العيشة اللي كان عايشها في البيت بتاعه وسط اهله. فيبدأوا في الاول يعملوا لهم حاجة اسمها معسكر يبدأ اللي داخل بقى يبدأ يقول لهم الاكل - [00:24:22](#)

مسلا يبجي يمد ايده على الاكل يسببهم ستين سانية وبعد كده كله يشيل ايده يشيل ايده ايه ده احنا لسه بنتعرف على بعض وبتكلم هو مش الاكل هنا نص ساعة ولا ساعة الا راحتنا ما فيش الكلام ده - [00:24:42](#)

يا حبيبي. تاكل بقى ان شاء الله في الوجبة اللي بعدها. يبدأوا يتعلموا حياة مختلفة يعملوا لهم معسكر خمسة واربعين يوم. يقول لك لان خمسة واربعين يوم ده العدد اللي الانسان - [00:24:52](#)

مممكن طباع تتغير فيه. احنا هنعمل معسكر بقى ستين يوم رجب وشعبان. ندخل رمضان متغيرين رمضان يبقى ابشر بخير رمضان مر عليك منذ امك ابشر بخير رمضان. ابشر برمضان حقيقي. ابشر برمضان جديد لانك انت بقيت انسان جديد بقلب جديد. باي قلب - [00:25:02](#)

قولوا رمضان باي قلب يا جماعة رمضان على الابواب اهو. ده احنا كنا احنا لسه سايبين رمضان اللي فات اول امبارح يا جماعة. باي سندخل رمضان يدخل رمضان بالقلب ده هنعمل به ايه؟ هنعبد به قد ايه ده؟ ولا هنشتغل به قد ايه؟ ده ده القلب ده عايز يتحط في الصيانة - [00:25:22](#)

شهرين كده يتزبط عشان نعرف ندخل رمضان نعبد ربنا. سبحانه وتعالى في القلب ده عايز آآ عايز يتطهر من مكاسب الاستعداد لرمضان القضاء على معاصي السر لانك ثلاث شهور في موجة مع نفسك. ثلاث شهور في موجة مع نفسك ربنا هيخلصك من حاجات عمرك. عمرك ما كنت - [00:25:42](#)

انت تتخيل انك هتقدري تتخلصي منها. ولا كنت تتخيل ان انا ممكن ابقى الانسان ده. فيه دافع بقى انك انت تقوم من ثمار الاستعداد يا جماعة. يعني يوميا بيموت في كل - [00:26:02](#)

الكرة الارضية ربع مليون انسان. يعني في الشهر تمانيه مليون يعني على رمضان حوالي سبعتاشر مليون واحد. يعني طبعا بقى والامر لله من قول ومن بعد ما ما تقريبا يعني. آآ - [00:26:12](#)

مواليد سبعتاشر تخيلوا انه هيموت على قبل رمضان الجاي ده بسبعتاشر مليون بني ادم. لو منهم عشرة مليون شاب دلوقتي موت الشباب اكبر. لو منهم سبعة مليون شاب انت مش متوقع انك انت تبقى منهم ليه؟ انت ليه طول الامل اللي عندنا ده؟ ليه مش متوقعين ان احنا نقابل ربنا في اي لحظة؟ يعني انا الوقتي لما اجي اعرف معلومة زي ديت - [00:26:22](#)

ايه قيمة الاستعداد لرمضان بقى بالنسبة لمعلومة زي ديت؟ ان انا الوقتي لو مت انا مت على نية المجاهدة الاجتهاد في رمضان. يعني انا يكتب لي اجر كان انا لان انا كنت في رباط حقيقي. انا كنت في رباط رجب وشعبان - [00:26:42](#)

شهور الرباط من اجل معركة رمضان. المعركة في رمضان وفي رمضان والرباط في رجب وشعبان. فانا مت وانا مرابط. ينمي لي اجر ما من مجاهدة انا ميت على نية المجاهدة. عارفين اهل الكهف كده؟ اهل الكهف اذا اعتزلتهم ويعودون الا الله فاووا الى الكهف. ينشر لكم - [00:26:57](#)

ريكم من رحمته ويهيئ لكم من امركم مرفقا ناموا. بس لو احنا بنتفرج على كاميرا كده ناموا وخلص كلهم ناموا ربنا يقول لك وتري الشمس اذا طلعت تزاور عن كتفهم ذات اليمين. واذا ضربت تقرضهم ذات الشمال وهم في فجوة من ذلك من ايات الله - [00:27:17](#) ها وبعد كده يعني كل ايات تقلبهم ذات اليمين وذات شمال كلهم باسط ذراعي بالوسيط تحسبهم معجزات ربنا بيجريها لهم اغرب حاجة في المعجزات دي ان المعجزات دي ما تمتش وهم صاحيين. المعجزات دي كلها تمت وهم نايمين. يعني يا اخوانا المفروض الكرامات دي بتيجي وانت - [00:27:37](#)

العبادة ده دول وهم نايمين ربنا سبحانه وتعالى عامل لهم مغير لهم سنن الكون. لانهم ناموا على نية الاقبال على الله. تخيل بقى ان هم ممكن يبقى عبادة عظيمة لدرجة ان يتعمل لك المعجزات دي كلها وانت نايم مش وانت بتصلي لانه نام على نية الاقبال على الله نام على نية - [00:27:57](#)

طلب الوصول الى نام على نية ان ربنا اغلى عنده من اي حاجة في حياته. نام على نية انه اختار ربنا فشوفه بقى غالي عند ربنا قد ايه. الوقت انا لو مت - [00:28:17](#)

المجاهدة في رمضان. انا كده ده ان شاء الله بازن الله وانا بجاهد في رمضان عشان طول عمري وانا بجدد ده انت تموت على نية كانك مرابط ينم عملك الى يوم القيامة - [00:28:27](#)

يبقى ده الثمار الخطيرة جدا الاستعداد لرمضان. ان انا لو مت دلوقتي هاموت على نية. لو مت دلوقتي هموت على نية عظيمة ما تعرفش ربنا يرفعك بها. قد في ايه؟ سبحانه وتعالى وكفى بهذا مكسب خطير جدا من ثمار الاستعداد لرمضان. الصحابة يا اخواني في الله - [00:28:37](#)

كان ممكن يجي في رمضان جهاد زي بدر ويجاهد ويبقى بطل كان ممكن يجي في رمضان جهاد زي فتح مكة ويجاهد ويبقى بطل كان ممكن يجي في رمضان احداس رهبة ويبقوا ابطال وهما - [00:28:55](#)

قايمين وقايمين الا طبعاً ما آآ ما في رخصة من الشرع. يعني عايز اقول ايه؟ عايز اقول ان انت لو داخل مستعد لرمضان ايا ما كان اللي هيحصل في رمضان. لو رمضان جهاد - [00:29:05](#)

مش عبادة انت مستعد يا ابني انت هتبقى بطل. انت هتبقى بطل لانك داخل مستعد في رمضان. داخل فعلاً مستعد يعني يعني لهذا اخواني في الله لازم ندرك هذه القضية قضية ان انا يعني يعني انا انا لازم رجب وشعبان دول هم الشغل الحقيقي. الله! ده في الكورة سمو الاستعداد - [00:29:15](#)

خد معسكر. المعسكر ده كلمة جيش يعني جهاد. اذا كان الاستعداد يا بتوع الكورة جت. امال البطولة نفسها تعملوا فيها ايه؟ احنا يا اخوانا ما تستعدهش مش ده احنا ما بنعبدش في رمضان قد ما فريق الكرة بيستعد لبطولة الكرة مش قد ما فريق الكرة بيجاهد في البطولة نفسها. استعداد - [00:29:35](#)

اشد جدية من شغلنا احنا نفسنا في رمضان ازاي يا جماعة احنا لازم نتغير يا اخوانا احنا لازم نبقي طلاب اخرة. يا اخوانا هنفضل تايهين كده لحد امتي؟ انا باقول لك اهو شهور دي شهور عبادة. شهور دي شهور غسيل بقى غسيل قلبي - [00:29:55](#)

الشهور دي شهور تطهير. الشهور دي شهور زراعة قلب يحب الله ويخشى الله ويقبل على الله. الشهور ديت الشهور دي شهور العبادة دي تركيز خلاص احنا هنركز دلوقتي في عبادتنا لله سبحانه وتعالى ما فيش حاجة تصرفنا عن الله سبحانه وتعالى. كفاية انك انت هتعيش رمضان جديد. كفاية يا جماعة لازم - [00:30:13](#)

استعد بلاش الفرع الساذج برمضان ده لازم نستعين. لازم نستعد ازاي ربنا سبحانه وتعالى بيقول واذن في الناس بالحج يأتوك رجالا. وعلى كل ضامر يأتين من كل فجور عميق. ايه الضامر؟ الضامر ده اللي هو الحصان اللي - [00:30:33](#)

جوع لحد ما ضمير وسطه عشان يقدر يسافر به من البلاد. دمر حصانك بقى. استعد بقى اجتهد. ده انت يا ابني وراك ثلاثين يوم ثلاثين يوم رمضان قطر كل سنة ببيجي واحنا القطر جه انزل من بيتك بقى اجر الحقه يكون عدى انت لازم القطر يجي وانت واقف قدامه عشان ما يضيعش علينا زي كل - [00:30:49](#)

كل سنة يعني يعني لما رحت اخر عمرة لقيت اسعار الاوض بتاعة الفنادق اللي قدام الحرم اسعار مهولة. سبحان الله! يعني الواحد يفكر كده وصاحب فندق في وش الحرم جه في رمضان وقفل في الموسم. طب ده هيكسب ايه بعد كده؟ انت دلوقتي رمضان ده عامل زي الفندق اللي في وش الحرم كده. انت هتيجي الوقتي - [00:31:09](#)

يعني لازم يكون فيه استعداد اشد جدية من هذا. رمضان ده طوق نجاه للام. الام كلها بتتغير فيه. اهل الباطل عايزين ننزل ويندوز لرمضان. يعني لما بتنزل ويندوز للكمبيوتر بتاعك وتبدأ تعرف السي بي يو والماوس والكيبورده والحاجات كلها يبدأ يتعامل معها. احنا عايزين ننزل ويندوز لرمضان نتعرف على رمضان - [00:31:31](#)

ايه هو رمضان؟ ونتعرف على رجب وشعبان اهل الباطل عرفوا ايه هو رمضان. عشان كده بيحاربونا فيه بايديهم وسنانهم. عشان كده مدينة الانتاج وشغل اهل الباطل الليل نهار استعدادا لرمضان. دلوقتي التمسيلات خلاص بتتقفل. هو هو هيبداو الوقتي يستعدوا لرمضان! ده بيقلوا الاستعداد الوقتي - [00:31:51](#)

الوقت بيقله خلاص بيقلوا تمسيلاتهم وبرامجهم. وحاجات بيقلوها خلاص خلصت بقى. يعني يعني قضية يا اخوانا الناس دي ايقاظ يا اخوانا واحنا للأسف الشديد تحسبنا ايقاظا ونحن رقود. للأسف الشديد عايزين ننزل ويندوز لرمضان ايه هو رمضان - [00:32:11](#)

قال رسول الله صلى الله عليه وسلم ما من ساعة تمر بابن ادم لا يذكر الله تعالى فيها الا حسر عليها يوم القيامة. النبي عليه الصلاة والسلام بيقول لك قيس عمرك بالساعة هتندم على - [00:32:30](#)

طب النبي عليه الصلاة والسلام بيقول لك ما من ساعة. ليل نهار في اي يوم؟ طب ساعات رمضان لو ضاعت علينا هتندم فيها قد ايه؟ عايزين نفوق من الوقتي. عشان - [00:32:40](#)

نجهتهد رجب شهر البذر. كلمة لا تنسى ابعتوها رسايل واكتبوها على تويتر وابعثوها في الدنيا كلها وفكروا نفسكوها بها واكتبوها في ورقة رجب شهر البذر وشعبان شهر السقيا. ورمضان شهر الحصاد. شهر الحصاد يعني - [00:32:50](#)

لازم نعرف يعني فيه ناس يعني ما هو اللي مش منزل ويندوز معنا في رمضان ده اكلمه هاقول له استعد من رجب رجب الناس دي بتقول ايه؟ زي اللي بالنسبة له العمرة فرصة تغيير عمره - [00:33:10](#)

فبيجي من قبل العمرة يسمع شرايط الشيوخ كلها عن العمرة ويجيب كتب عن العمرة. ويبدأ يتجهز لانه حس انه رايح هناك انا عايز اتغير يا رب. فرايح يجاهد. فيه واحد بالنسبة له - [00:33:20](#)

عمرة انها رايح اشم هوا جنب الكعبة تلاقيه داخل هو ومراته وولاده وعيلته داخلين بالليل كده بعد صلاة العشاء بساعة كده جايين معهم براد الشاي بقى وقاعدين يشربوا اضحكوا والعيال تلعب لحد الفجر ما قاموش حتى ما بيقوموش حتى يطوفوا. انتم بتعملوا ايه؟ جايين يشموا هم فاكيرين خلاص العمرة خلصت بقى نعمل بها شوبينج في مولات الحرم ونشم - [00:33:30](#)

جنب الكعبة. هو ده لو انا جيت اقول له استعد للعمرة. استعد لايه؟ هو العمر عنده اللي اللي حصلت في الثلاث ساعات اللي في الاول. وخلاص انما ان انا عشر تيام جنب الحرمين. فرصة لتغيير حياة المفهوم ده مش عنده. فانا دلوقتي لو بكلمك عن رمضان اللي انت معرفه عندك انه فرصة لتغيير حياتك. وفرصة - [00:33:50](#)

تغيير الامة وطوق نجاه للامة ونقله في علاقتك بالله زي الفرق بين السما والارض. وناقلة في صحيفتك وناقلة في مقعدك في الجنة اه لو انت يعني شبه قاب قوسين في الجنة خير من الدنيا وما فيها. المتر في الجنة اغلى من الدنيا كلها. طب انت في رمضان ممكن تكسب كم متر في الجنة؟ اللي بالنسبة له - [00:34:10](#)

ورمضان كده هيعرف يعني ايه ان واحد شعبان ده اللبة الحمراء نورت وخلاص معسكر الاستعداد لرمضان الموضوع كبير وخطير

اخواني في الله يعني احنا عاملين ورقة آآ برنامج عملي في رجب وشعبان برنامج عملي في آآ رجب وشعبان. البرنامج العملي -

[00:34:30](#)

ده يعني الورقة نازلة على النت على الصفحة بتاعتي على الفيسبوك اللي هي آآ دكتور حازم شومان وعلاويته الله على الطريق الى

الله! برنامج عملي في رجب وشعبان. الورقة بتكلمك - [00:34:50](#)

نعمل ايه في رجب وشعبان؟ نستعد نعمل ايه في رجب وشعبان دول؟ انا دلوقتي مش بتكلم عن رمضان. انا بتكلم عن معسكر

الاستعداد الرهيب داهو. نعمل ايه؟ صيام وقيام اللي مش هيجيب الورقة واللي مش هيجيبها ويوزعها صيام وقيام يا ابني. ربنا

سبحانه وتعالى لما بيتكلم عن نوم الصالحين. الواحد قلبه بيظهر مش عن صلاة - [00:35:00](#)

قيام الصالحين. يقول لك كانوا قليلا من الليل ما يهجعون. ده حاجة بسيطة وكمان نومه جوع زي نوم الطير كده خفيف. وربنا يقول لك تتجافى جنوبهم عن المضاجع بيتقلب زي الطير اللي بيتقلب على الزيت كده مش قادر يستحمل مش طايق تتجافى جنوبهم قاعد

يتقلب على كل جنب ومش عارف - [00:35:20](#)

ويقوم في الاخر عشان يصلي. يعني حتى الحبة البساط دول ده نوم الصالحين. امال قيام الصالحين كانوا قليلا من الليل ما

يرجعون؟ ها امال قيام الصالحين والذين يبيتون لربهم سجدا وقياما. امن هو قانت انا الليل ساجدا وقائما. انا الليل ساجدا وقائما

بينحر - [00:35:40](#)

هنحققها امتي يا اخواني في الله؟ قضية خطيرة جدا. قضية آآ رمضان وسعينا لرمضان ومن الليل فتهجد به بالقرآن. تهجد به اي ازل

الهجوم اي النوم عنك بالقرآن. اول ما تصحى عايز تنام افتح بس المصحف واقعد اقرا كده. شف قلبك هيتغير قد ايه. وشف هتنشط -

[00:36:00](#)

قد ايه؟ وشوف الغفلة هتطير عنك قد ايه. ومن الليل فتهجد به نافلة لك. عسى ان يبعثك ربك مقاما محمودا. ورقة الاستعداد

لرمضان يعني عاملينها برنامج عملي في آآ رجب وشعبان. برنامج عملي في آآ رجب وشعبان. يعني ورقة آآ ورقة مهمة جدا يعني -

[00:36:20](#)

وفي غاية الخطورة بصراحة يا اخواننا. يعني لازم نقوم بقى لازم ننشط. القضية عندنا دلوقتي قضية حياة او موت. عاملين برضو يا

جماعة برنامج استعداد لرمضان من يوم واحد رجب - [00:36:40](#)

برنامج استعداد لرمضان على خمس مراحل. يعني احنا مش عايزين نقوم مرة واحدة. البرنامج المرحلة هتلاقوه على صفحة

الفيسبوك اللي هي دكتور حازم شومان. وهتلاقوه ان شاء الله برضه على - [00:36:51](#)

اتقوا الله على النت. آآ البرنامج العملي ده عبارة عن ايه؟ خمس مراحل. المرحلة الاولى من واحد رجب لخمستاشر رجب. المرحلة

الثانية من خمستاشر رجب لتلاتين رجب. آآ المرحلة الثالثة من واحد شعبان لخمستاشر شعبان. المرحلة الرابعة الاسبوع الثالث من

شعبان المرحلة الرابعة المرحلة الخامسة الاسبوع الاخير من شعبان. كل مرة بنزود - [00:37:01](#)

يعني المرحلة الاولى بنحاسب على ربع القرآن في اليوم. بنحاسب على الفروض الاساسية بس. بنحاسب على صيام يوم يوم في

الاسبوع بس بنحاسب على صلاة الوتر بس. خلق واحد يتغير بتاع المرة دي بر الوالدين. خلق معصية واحدة تتطهر - [00:37:21](#)

المرة دي الغيبة بس انت اسبت بس على دول حد ادنى بعد خمستاشر يوم هنقوم معلين شوية سنن. هنقوم معلين حاجات زي صلاة

خمستاشر يوم هنعلي حاجة زي جلسة الضحى. مسلا كده هنعلي حاجة نسمعها يا رمضان. الاسبوع الثالث من شعبان هنعلي. هنفضل

نعلي لحد - [00:37:41](#)

ندخل رمضان يا جماعة لياقة ايمانية مرتفعة. ولكن بس نبدأ مع بعض كده واحدة واحدة. الجدول ده يعني يعني يتحمل عادي جدا

اللي هو الخمس فخمس جداول موجودين على الصفحة بتاعة الفيسبوك دكتور حازم شومان. او على موقع الطريق الى الله بازن الله.

اه اه الخمس جداول دول. ده المرحلة الاولى هتلاقوا - [00:38:01](#)

خمس مراحل موجودين ان شاء الله بعد الحلقة. والمرحلة الاولى متصورة جاهزة. تسحبوها ونبدأ بقى نتعامل مع بعض فيها. بازن

الله. بالنسبة للورقة بتاعة اه اه برنامج عملي في رجب وشعبان دي ورقة مهمة جدا خطيرة جدا. ولازم نجاهد يا جماعة عشان رجب وشعبان يبقوا موسم عبادة. رجب وشعبان يبقوا موسم استعداد من سنوات - [00:38:21](#)

كان عشر ذي الحجة دي لا يمكن حد يتخيل ان في حاجة اسمها عشر ذي الحجة ده موسم عبادة. سبحان الله ربنا قيد بقى من قيد من الدعاء ومن ومن؟ بقى عشر ذي الحجة الوقتي - [00:38:41](#)

موسم يبقتر من رمضان. الناس فهمت قيمته. الناس عرفت خطورته الرهيبة. الناس عرفت الخطورة يعني اذكر سبحان الله. يوم آ اول مرة ربنا رزقني فيها حج وانا طالع على المطار - [00:38:51](#)

وجايب ورقة آ عشر ذي الحجة كان يعني اول مرة الواحد يعمل ورقة لعشر ذي الحجة وبسرعة عشان الحق الطيارة بسلمها لآخ من الاخوة يقابلني في القاهرة عشان يمكن يحاولوا يطبعوها بقى ولا يعملوا حاجة. والاخوة اتصلوا بها في الحج للمرأة توزع منها ثلاثين الف نسخة. كان كلمة ثلاثين الف نسخة وقتها حاجة مزهلة. الوقتي - [00:39:03](#)

الورقة مسلا تلاقي مليون نسخة مسلا وتقول ايه هو يعني الناس مش مقبلة مسلا اوي ليه او مسلا بحاجة زي كده. ثلاثين الف نسخة دي وقتها كانت فاتح ثلاثين الف ورقة - [00:39:23](#)

وقعت في مرت الايام وبقى عشر ذي الحجة ده موسم كبير. والناس انتبهت لخطورة عشر ذي الحجة الموسم المهور ده. اللي يعني سبحان الله العظيم اللي هم من ايام العمل الصالح احب الى الله منها. يا اخوانا عايزين نحبي السنن دي بقى. سلف كان همتهم بتعلوا في رجب وشعبان لرمضان. بل النبي عليه الصلاة والسلام كان بيستعد لرمضان - [00:39:33](#)

صيام شعبان عند النبي عليه الصلاة والسلام بعض العلماء قال انه استعدادا لرمضان. استعدادا بل البعض قدمه على انه عشان رفع الاعمال. استعدادا لرمضان رجب وشعبان يعني السلف كانوا بيساعدوا لرمضان من قبلها بست شهور. احياء بقى السمات الديني والاياماني ده نبدأ بقى نجيب الورقة ديت. الجامعات لسه شغالة. لسه - [00:39:53](#)

لا لا نبدأ بقى ننشر الورق في الجامعات ننشره في كل مكان. لكل الناس مش قضية توزع على ملتزم ونسيب مش عارف. نوزع على كل الناس الكل يعبد ربنا والكل يفوت - [00:40:13](#)

والكل بيدأ يتوب لربنا من الوقت وتبدأ الدنيا بقى ايه تتغير من الوقتي بازن الله سبحانه وتعالى. والكلام بفضل الله المعسكرات يعني فيها معسكر الصيام معسكر القيام معسكر التوبة عشان حتى لو واحد غير ملتزم. معسكر الدعاء حتى اللهم بلغنا رمضان. معسكر الصلاة اخطر شيء في حياتنا كلها. معسكر - [00:40:23](#)

تسويق لرمضان يعني ايه بقى؟ في الورقة معسكر معسكرات كلها زائد رمضان والصيف كلمة عن رمضان والصيف في النهاية لان رمضان عاد ببيجي في عز الصيف. هنعمل ايه هنضحى بابه عشان ايه؟ يبقى قضية يعني يعني في غاية الاهمية يا اخواني - [00:40:43](#)

ولازم ان احنا ندرك آ الخطورة بتاعتها. الورقة ديت يعني تبع مشروع نشر الهداية. للي عايزها احنا عندنا الرقم بتاع الصفر اربع وحايدين اثنين وتلاتين تمانية وتلاتين تمانية وتلاتين. ده اللي عايز هذه الورقة آ لله طبعها سبحانه وتعالى. النقطة الاخيرة اللي انا عايز اتكلم فيها - [00:41:00](#)

آ طبعها الانتخابات جاية ويعني المرشحين يعني احنا مش عارفين آ الناس كلها نرشح مين وهسيب مين لدرجة ان انا متوقع الانتخابات دي معزم الناس هتعرض اصلا عن انها يعني حتى في السعودية اتنين مليون مصري قوة تصويتية خمسين الف اللي بعته. يعني يعني واضح ان الناس من احباط اللي هي فيه من المشهد السياسي المتمزق في - [00:41:20](#)

هي كمان مش عارفة مش عايزة تنزل للأسف الشديد. انما اهم حاجة يا اخواني لازم نعمل حملة خطيرة جدا. وبدأنا الحملة دي على النت ولسه يعني نازل بان النهاردة والناس بفضل الله يعني ايه على النت واخونا دكتور محمد علي يوسف جزاه الله خيرا. يعني اه عامل يعني يعني لازم حملة الفلول. حملة ضد الفلول - [00:41:40](#)

حملة ضد الفلول. اهم يا عم اختار اللي انت عايز تختاره. انما الفلول لأ في ورقة على النت هاتوه وزعوه وصوروه. اجتهدوا الفلول لأ.

آآ المرة اللي فاتت يا اخواني وانا بتكلم عن التمزق للأسف الشديد مما يدمى له القلب. ومما - 00:42:00

يعني فعلا يندى له الجبين يعني. وانا بتكلم عن التمزق اللي ما بين فصائل التيار الاسلامي. فيقول للمرشحين الاسلاميين الاتنين بقول لهم يا جماعة حد يتنازل للتاني. لو فلان بقى رئيس وفلان بقى رئيس حكومة والدنيا اتلمت يا اخوانا خلاص. البلد ربنا كده سبحانه وتعالى - 00:42:16

ارزقنا ان الاسلام يسود فيها. انتم بتعملوا كده ليه؟ فيقول لهم ده الحسن تنازل لمعاوية عن الخلاف. مين فيكم احسن من الحسن؟ ومين فيكم احسن من معاوية ما ده تنازل وده قابل. مين فيكم واهم وكانوا صحابة والامة التفت واتوحدت. فوانا باتكلم في مرة من المرات سقطت لسان باقول مين احسن من - 00:42:36

ومين اسوأ من معاوية؟ يعني انتم مش عارفين احنا بنيجي الحلقات دي بيبقى شكلها ايه؟ يعني انا ممكن اكون امبارح مسافر سفريتين ونايم آآ بموت بالليل وقايم عشان ورايا سفرية النهاردة عشان ورانا مشوار في الدعوة. وجاي وممكن تكون جاي اصلا يعني ايه ما كانش فيه وقت مسلا انك انت تاكل او او كان فيه وقت ايا ما كان - 00:42:56

ما تعرفوش زروف الناس وهي بتتكلم شكلها ايه. والواحد ممكن يكون والله من وهو بيقول ان الحمد لله ما هو قادر ينطق اصلا. ما هو قادر يتكلم. ممكن يكون لسه - 00:43:16

انت خارج من المستشفى ممكن يعني ظروف بقى ايا ما كان يعني. فالواحد بيقول مين فيكم احسن من الحسن ومين فيكم احسن من معاوية؟ الكلام واضح جدا. انتم مش احسن من - 00:43:26

عشان ما تعملوش اللي هم عملوه. كلام واضح. فقلت ومين اسوأ من معاوية؟ فاذا يعني يعني بعض الناس تيار بيسمى تيار المداخلة. تيار ده للأسف الشديد خطته معمولة في السي اي ايه اصلا. والتيار ده هدفه الاساسي التشويش على الدعاة وعلى اهل العلم وعلى اهل - 00:43:36

دعوة بحيس ان هم يقطعوا ما بين اللي بيعلموا الناس الخير وما بين الناس. يعني تيار معمول عشان كده ومعمول اساسا عشان الخليج مش معمول عشان مصر. معمول خصوصا عشان الخليج لما امريكا حبت تدخل الخليج فكان التيار ده معمول عشان كده.

وطيار يعني من اسوأ ما يكون. يعني يقول لك ازاي - 00:43:56

يقول اه يبقى هو كده ما بيحترم مش الصحابة. يا اخوانا واحد بقى له عشرين سنة بيعزم في الصحابة وبيمجد في الصحابة. وييجي مرة سقطت لسانه يقول لك ما يحترم مش الصحابة. الواحد متألم يا اخواني. من بناه الله لن يهدمه انسان. القضية مش قضية ان واحد يقول عليك كلمة. القضية قضية الواحد بيتألم - 00:44:16

تمزق هنا وظلم هنا. يا اخوانا لما واحد يغلط صدق لسان وطول عمره بيتكلم عن الصحابة وسلاسل عن الصحابة. ودروس يعني يعني اللهم لك الحمد انا اكبر درس منتشر ليه على شبكة النت كلها درس اسمه للكبار فقط عن الصحابة اصلا يعني عن الكبار الكبار بتوعنا بقى الكبار اللي بجد بقى مش - 00:44:36

الكبار بتوع الايه السوبر ستارز بتوع الدنيا السوبر ستارز بتوعنا العين. عن اصحاب النبي عليه الصلاة والسلام. اصحاب النبي اللي عقيدتنا فيهم عقيدة اهل السنة. بنحبهم جميعا ونشهد لهم جميعا بالعدالة وانهم عدول. وبتتلقى عنهم ونكره ونحارب من يتطاول عليهم. سبحانه - 00:44:57

الله! يا اخوانا ده الراحل في حديث التوبة الصحيح. النبي عليه الصلاة والسلام لا بيقول لما لقي الدابة بتاعته في الصحرا بعد ما ايقن بالهلاك قال الله اللهم انت عبيدي وانا ربك. النبي عليه الصلاة والسلام بيقول لك الراحل اخطأ من شدة الفرح. غلط. صفقة لسان -

00:45:17

بالموقف اللي هو فيه. النبي عليه الصلاة والسلام يعني بيقول الكلمة ربنا لم يؤخذه بها اصلا واحنا ربنا بيؤاخز بصفقة اللسان. ايه يا اخوانا ده! ايه ده النبي اهو اللهم انت عبيدي وانا ربك. النبي عليه الصلاة والسلام بيقول اخطأ من شدة الفرح. وربنا النبي بيقول ان ربنا افرح به من اللي كان هيهلك - 00:45:37

قدر له النجاة بقدر الله سبحانه وتعالى. الراجل اللي في الحديس اللي قال لولاده وهو بيموت ان انا مت فاحرقوني واطحنوني واضحكوني ليه؟ فلان قدر علي ربي ليعذبني عذابا لم يعذبه احد من العالمين. ابن تيمية قال لك لان قدر علي ربي دي كلمة كفر. هو ده بيقول لك لو ربنا قدر علي يبقى اضحى - [00:45:57](#)

عشان ما يقدرش علي. قال لك يمكن هو كلمة يعني يعني من زمان يقول لك لو حسب على الكلمة كانت كلمة كفر. ولكن ربنا ما تلافاه غيره. ربنا سامحه ولم - [00:46:17](#)

اقفوزا اصلا على شيء. يا اخوانا يعني الرحمة يا اخوانا. الرحمة. الرحمة يا امة محمد حرام. حرام التمزق اللي وصلنا له الواحد عادي يعني مش قادر يا اخوانا والله الواحد معك قادر يتحمل هذا الواقع - [00:46:27](#)

اعجاب كل ذي رأي برأيه وتمزق وخلافات وتشاحنات واستغلال للبرامج الاعلامية في الضرب في بعضه. منزمخ دعوها فانها منتنة. النبي عليه الصلاة والسلام قال ده نتن. التعصب والعياذ بالله. اخوانا الرحمة الشافعي وهو مريض دخل عليه واحد قال له كلمة - [00:46:42](#)

فيعني كلمة ممكن تضايقه. فبيعتذر للشافعي قال له والله يا امام لا اقصد. والله ما قصدي الشافعي قال له والله لو شتمتني لعلمت انك لا تقصد. يا اخوانا هو احنا مستنيين كلمة عشان ندبح بعض - [00:47:03](#)

حرام يا جماعة احذروا من هذا التيار الخطير جدا الذي يتحدث عن الدعاة وعن العلماء وعن الشيوخ وعن الناس اللي نازرة حياتها للدعوة الى الله. يعني يعني سبحان الله العظيم احذروا من من هذا التيار الخطير جدا يعني اللي لازم كلنا نحذر منه يعني - [00:47:21](#)

الصحابة الكرام يعني اصحاب النبي عليه الصلاة والسلام نترضى عنهم جميعا ونحبهم جميعا ونخلع ونعادي من يتناول عليهم او على اي احد منهم عن ابي بكر عن عمر عن علي عن معاوية بن ابي سفيان رضي الله عنه عن جميع اصحاب النبي عليه الصلاة والسلام يعني بنحبهم في الله سيدنا معاوية صاحب - [00:47:41](#)

فتوحات العظيمة سيدنا معاوية كاتب الوحي رضي الله عنه. سيدنا معاوية يعني يعني كل الصحابة الكرام آآ لما تلاقوا حد من المداخلة يا اخوانا بيتكلم هم بيتكلموا عن الكل. هم ما بيسيوش حد اصلا. يعني هو يعني ما مش سايبين حد وبيموتوا بكارهين السورة اكثر بالعمى. لان هم كانوا اصلا بالنسبة لهم آآ امن الدولة والكلام - [00:48:01](#)

ده كان هم ولاة الامور بتوعهم وكانوا بيتعبدوا لله ان هو حاجة عفن يعني عفن والعياذ بالله. يعني احذروا من هؤلاء الناس واصحاب النبي عليه الصلاة والسلام اصحاب النبي الكرام كان نفسي ان انا اتكلم النهاردة عن اصحاب النبي عليه الصلاة والسلام. ولكن الواحد ما كانش عارف والله اتكلم عن ابيه. رجب وشعبان يعني يعني قضية رجب قضية من اخطر ما تكون - [00:48:21](#)

والواحد يعني قال ايه لو اتكلم عن الصحابة النهاردة ممكن يبقى كانه حتى بيظهر عقيدته وفيه جزء شخصي كده في الموضوع. انما لو اتكلمنا عن رجب وشعبان ده كلام ان شاء الله بازن الله - [00:48:41](#)

يا رب يبقى خالص لوجه الله ان شاء الله. واهم حاجة ان اسم الله يعلو في كل قلبه ويعلو على كل لسان. وان عبادة ربنا تنتشر في كل مكان. ربنا سبحانه وتعالى - [00:48:51](#)

انا في بشر يبسبوا الله عدوا بغير علم والعياذ بالله. يبقى احنا البشر ما حدش هيتكلم عننا من اراد ان آآ ان يشكر فلا يكفر قد نزع الله في ربوبيته ومن اراد ان يذكر فلا ينسى فقد نزع الله في ربوبيته. ربنا ينصر دينه ويعز اوليائه. ربنا ياذن لنا آآ بفرج عاجل - [00:49:01](#)

من غير اجل. ربنا يرزقنا ان مصر تحكم بالاسلام. الورقة بتاعة رجب وشعبان تاني. ورقة خطيرة جدا جدا جدا. عايزين ننشرها بكل قوتنا ونلحق جامعات وامتحانات الجامعات والرقم بتاع نشر الهداية صفر اربع وحيد اثنين وتلاتين ثمانية وتلاتين ثمانية وتلاتين. آآ آ - [00:49:21](#)

اللهم بلغنا رمضان. اللهم بارك لنا في رجب وشعبان. اللهم بارك لنا في رجب وشعبان. اللهم بارك لنا في رجب

وشعبان وبلغنا رمضان. واجعلنا في رمضان من الفائزين واجعلنا بليلة القدر من الفائزين. اللهم ايقظ قلوبنا. اللهم - 00:49:41
على مرادك منا. اللهم اغث امة محمد اللهم اغث مصر. اللهم اذن لدينك ان يسود واذن لشرعك ان ينتصر. واذن لكتابك ان يحكم. اللهم
افتح قلوب خلقك للهدى يا رب. اللهم اهد شباب المسلمين واهد بنات المسلمين. يا رب اجعل رمضان القادم فاتحة - 00:50:01
على الامة يا رب في الهداية والعودة اليك يا رب اجعل رمضان القادم فتحة على الامة ونصرا للامة يا رب وحدة وائتلافا لقلوب الامة يا
رب. اللهم الف بين قلوبنا على اتقى قلب رجل منا. اللهم اغفر لنا من يحكمنا. اللهم اختر لنا - 00:50:21
من يحكمنا؟ اللهم اختر لنا من يحكم مصر يا قادر. يا من اليك يرجع الامر كله. يا من لك الامر كله. يا من لك الارض تورث ملكها من
تشاء. اللهم اختر لنا من يحكمنا يا رب. يا رب اللهم قيد لمصر امر رشد يعزي فيه اهل - 00:50:41
ويهدى فيه اهل معصية معصيتك. ويحكم فيه شرعك يا رب العالمين. انك ولي ذلك والقادر عليه اقول قولي هذا واستغفر الله لي
ولكم. سبحانك اللهم وبحمدك اشهد ان لا اله الا انت. استغفرك واتوب اليك - 00:51:01

- 00:51:20